

**BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINA TRAVNIK
NAČELNIK**

Broj:01-472/13-1

Datum: 19.6.2013. godine

Na osnovu člana 8. Zakona o ministarskim, vladinim i drugim imenovanjima (« Službene novine Federacije Bosne i Hercegovine» broj 12/03) u postuku imenovanja na pozicije u reguliranim organima iz nadležnosti Općine Travnik, načelnik Općine Travnik,
o b j a v l j u j e

**PONOVNI JAVNI OGLAS
za izbor i imenovanje na pozicije članova Upravnog odbora javne ustanove čiji je
osnivač Općina Travnik**

I

Objavljuje se javni oglas za izbor i imenovanje članova Upravnog odbora javne ustanove čiji je osnivač Općina Travnik prema kojima ovlaštenja i obaveze po osnovu državnog kapitala ima Općina Travnik i to:

II-Upravni odbor:

1. JU „Centar za socijalni rad“ Travnik

- | | |
|--|------------|
| • član upravnog odbora,-ispred osnivača | 2 pozicije |
| • član upravnog odbora,- ispred ustanove, | 2 pozicija |
| • član upravnog odbora - ispred Ministarstva | 1 pozicija |

III – Opis pozicije

Predsjednik Upravnog odbora rukovodi sjednicama Upravnog odbora, stara se o pripremi materijala za sjednice Upravnog odbora i izvršenju akata Upravnog odbora i obaveza prema Općini Travnik, obavlja i druge poslove utvrđene Statutom i drugim aktima reguliranog organa.

Predsjednik i članovi Upravnog odbora reguliranog organa, nadziru rad i poslovanje direktora ustanove, a naročito u segmentu upravljanja i raspolaganja kapitalom i imovinom ustanove: utvrđuju politiku razvoja, razmatraju i usvajaju izvještaje o poslovanju, predlažu raspodjelu i način upotrebe dobiti, odnosno način pokrića gubitka u poslovanju, donose opća akta, rješavaju u drugom stepenu po žalbi na odluke direktora, te obavljaju druge poslove u skladu sa Zakonom i Statutom ustanova.

Predsjednik i članovi Upravnog odbora imenuju se na period od 4 (četiri) godine uz mogućnost ponovnog imenovanja u skladu Zakonom.

Imenovana lica imaju pravo na naknadu u skladu sa Zakonom i uslovima utvrđenim općim aktima ustanova i ista će se isplaćivati iz sredstava ustanove u koje budu imenovani.

IV – Kandidati za imenovanje na pozicije u upravnim odborima moraju ispunjavati:

- opće i
- posebne uslove

a) Opći uslovi za imenovanje;

Svi kandidati za pozicije u reguliranim organima koji su predmet ovog javnog oglasa moraju ispunjavati slijedeće opće uslove:

- da su državljani BiH
- da su stariji od 18 godina
- da nisu otpušteni iz državne službe kao rezultat disciplinske mjere na bilo kojem nivou u BiH u periodu od 3 godine prije dana objavljivanja upražnjene pozicije,
- da se na njih ne odnosi član IX.1. Ustava BiH,
- da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima u F BiH (« Službene novine F BiH», broj 12/03),
- da nisu na poziciji u zakonodavnoj, izvršnoj ili sudskoj vlasti ili savjetnici u smislu Zakona o sukobu interesa («Službeni glasnik BiH», broj 16/02),
- da nemaju privatni finansijski interes u instituciji u koju se kandiduju,
- da nisu lice kojem je pravosnažnom presudom suda zabranjeno obavljanje aktivnosti u nadležnosti reguliranog organa za koji se kandiduje,
- da nisu stariji od 70 godina na dan imenovanja
- da nisu članovi Upravnog odbora ili Nadzornog odbora, odnosno odbora za reviziju.

b) Posebni uslovi za imenovanje;

- kandidat za predsjednika Upravnog odbora mora da ima najmanje VSS-VII stepen
- kandidati za člana Upravnog odbora treba da imaju najmanje VŠS- VI stepen školske spreme, a u izuzetnim slučajevima kandidat za Upravni odbor ispred ustanove SSS- IV stepen stručne spreme
- da imaju najmanje 3 godine radnog iskustva
- da posjeduju sposobnost kreativnog doprinosa reformi, privatizaciji i tranziciji državne imovine
- da posjeduje sposobnost za savjesno, odgovorno i odlučno obavljanje pozicije
- da posjeduje pozitivne rezultate rada ostvarene tokom poslovne karijere
- preporuke ranijih neposrednih rukovodilaca (po mogućnosti)

V - Potrebni dokumenti

Uz prijavu na javni oglas kandidati su dužni priložiti sljedeću dokumentaciju (originali ili ovjerena kopija):

- kraću biografiju, adresu i kontakt telefon,
- uvjerenje o državljanstvu,
- izvod iz matične knjige rođenih,
- uvjerenje o nevođenju krivičnog postupka od nadležnog kantonalnog suda ne starije od 3 mjeseca,
- diplomu o školskoj spremi,
- uvjerenje o radnom iskustvu u struci,
- uvjerenje od poslodavca da nije otpušten iz službe kao rezultat disciplinske mjere u periodu od 2 godine prije objavljivanja oglasa.

Svi kandidati koji budu ispunjavali opće i posebne uslove, odnosno budu stavljeni na listu sa užim izborom bit će pozvani na intervju.

Prije intervjua komisija može tražiti od neposrednih ranijih rukovodilaca, preporuke o kandidatima.

Prilikom izbora uzet će se u obzir priznanja i rezultati koje je kandidat do sada stekao iz oblasti za koju se kandiduje.

U postupku konačnog izbora prednost imaju kandidati koji u potpunosti ispunjavaju opće i posebne uslove i viši stepen stručne spreme srodnog zanimanja.

Nakon intervjua Komisija za izbor će predložiti rang listu sa najboljim kandidatima i dostaviti Općinskom vijeću Travnik na dalje razmatranje i konačno imenovanje.

Konačno imenovanje će se objaviti u «Službenim novinama F BiH».

Bilo koji kandidat ili član javnosti, može podnijeti prigovor na konačno imenovanje, ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima u F BiH.

Prigovor na konačna imenovanja se podnosi Općinskom vijeću Travnik.

Javni oglas ostaje otvoren 15 dana od dana objavljivanja u «Službenim novinama Federacije BiH», dnevnim novinama i Oglasnoj tabli općine Travnik.

Rok za podnošenje prijave računa se prema datumu objave oglasa u glasilu koje zadnje objavi oglas.

Prijave sa svim traženim dokumentima dostaviti lično ili poštom na adresu: Općina Travnik, Konatur bb, 72270 Travnik sa naznakom «prijava na javni oglas za izbor i imenovanje članova Upravnih i Nadzornih odbora» - NE OTVARAJ.
U prijavi kandidati su dužni označiti na koju se poziciju kandiduju i za koju ustanovu.

Neblagovremene i nepotpune prijave neće se uzeti u razmatranje.

NAČELNIK

Admir Hadžiemrić, dipl.ecc